

Eqqumiitsuliornermik ingerlatsineq tamatumingalu ingerlatitseqqiisarneq pillugit Namminersorlutik Oqartussat nalunaarutaat nr. 75, 21. december 2021-mersooq

Eqqumiitsuliornermik ingerlatsineq pillugu Inatsisartut inatsisaanni nr. 11, 6. juni 2016-imeersumi §§ 8, imm. 3, 18, imm. 2 aamma § 19, imm. 2 naapertorlugit aalajangersarneqarpoq:

Kapitali 1

Atuuffia tapiiffigineqarsinnaatitaasullu

§ 1. Nalunaarut tapiissutit Naalakkersuisunit siunnersuisoqatigiinnilluunniit, ataatsimiititaliamit, aningaasaateqarfinit assigisaannilluunniit tunniunneqartut, Naalakkersullu Naalakkersuisut eqqumiitsuliornermik ingerlatalinnut tamatumingalu ingerlatsisut aqunneqarnissaannut tunngatillugu suliaassat isumaginissaannut tamakkiisumik ilaannakuusumilluunniit tunniussimasaasa aqunneqarnissaannut atorneqassaaq.

§ 2. Tapiissutit sammisassanut tamanut Eqqumiitsuliornermik ingerlatsineq pillugu Inatsisartut Inatsisaanni § 8, imm. 1-imi aalajangersarneqartunut tunniunneqarsinnaapput.

§ 3. Tapiissutit makkununga tunniunneqarsinnaapput:

- 1) Eqqumiitsuliornermik ingerlatsinermut tamatumingalu ingerlatitseqqittarnermut eqqumiitsuliortup suliaqarneranut, ineriartortitsineranut tunisassiorneranullu, aamma
- 2) Kalaallit Nunaanni eqqumiitsuliornermik ingerlatsineranut nunanilu allani kalaallit eqqumiitsuliaannik allanik saqqummersitsinermut ingerlatitseqqiisarnermullu atatillugu suliffinnut, suliffeqarfinnut, suleqatigiiffinnut assigisaannullu.

§ 4. Eqqumiitsuliornermik ingerlatsinerup tamatumalu ingerlateqqittarnissaanut eqqumiitsuliortumut tapiissutit, tak. § 3, imm. 1, eqqumiitsuliortunut qinnuteqarnerup nalaani Kalaallit Nunaanni aalajangersimasumik najugaqartumut tunniunneqassapput.

§ 5. Kalaallit Nunaanni eqqumiitsuliornermik ingerlatat nunanilu allani kalaallit eqqumiitsuliaannik saqqummersitsinissamut ingerlatitseqqinnissamullu tapiissutit, tak. § 3, imm. 2, suliffinnut, suliffeqarfinnut, suleqatigiiffinnut assigisaannullu Kalaallit Nunaanni najugalinnut

tunniunneqassapput.

Imm. 2. Ingerlatsinermut tapiissutit pineqarsimangippata tapiissutit taamaallaat ingerlatitseqqittoqarnissaanut suliniutinu tigussaasunut atatillugu tapiissutit tunniunneqassapput.

Kapitali 2

Tapeeriaatsit

§ 6. Qinnuteqartoqareerneratigut qinnuteqartunut tapiissutit makku aqqutigalugit tunniunneqassapput:

- 1) Suliniutinu tapiissutit, tak. § 7.
- 2) Sulinissamut tapiinerit, tak. § 8.
- 3) Tapiissuteqarnissamut qularnaveeqqusiinerit, tak. § 9.
- 4) Utertitsinerit, tak. § 10.
- 5) Ingerlatsinermut tapiissutit, tak. § 11.

§ 7. Suliniutinu tapiissuteqarnermi paasineqassapput sammisassanut piffissami killilimmi ingerlanneqartunut aammalu tigussaasumik anguniagaqarfiusunut imaluunniit inaarutaasumik angusaqarnermut tapiissutit.

Imm. 2. Suliniutinu tapiissutit suliniutinu qinnuteqarfiup nalaani ukiut 5-it iluanni naammassineqartunut tunniunneqarsinnaapput.

§ 8. Sulinermut tapiisoqarnerani tapiissutit sulinerup ingerlanneranut imaluunniit eqqumiitsuliornerup ingerlanneranut tapiissutit pineqarput.

Imm. 2. Sulinermut tapiissutit qaammammut aalajangersimasumik aningaasartalerlugit piffissamilu killeqartumi tunniunneqassapput. Kultureqarnermut Naalakkersuisoqarfik aningaasat qaammammut tunniunneqartartut amerlanerpaaffissaannut piffissaliunneqartumullu killeqartumut aalajangersaasinnaavoq.

Imm. 3. Sulinermut tapiissutit eqqumiitsuliortunut tapiissuteqarnerup nalaani tamakkiisumik suliffeqarnikkut akissarsiatigut peqatigitillugu aningaasarsialinnut imaluunniit pisortanit aningaasanik tiguisartunut inuuniarnikkut aningaasartuutit matussusernissaannik tamakkiisumik siunertalinnut tunniunneqarsinnaanngillat.

§ 9. Tapiissutinu qularnaveeqqusiinermi paasineqassaaq tapiissutit tunniunneqassasut tapiissutit tunniunneqarneranni piumasaqaatit naammassineqarsimappata.

§ 10. Utertitsinermit paasineqassaaq aningaasartuutaasimasunut kinguneratigut ajunngitsorsiassarsineq, tassanilu aqutsumit toqqaannartumik ajunngitsorsiassanik pisinnaasutut akuerineqarsimasunut.

§ 11. Ingerlatsinermit tapiissutit paasineqassapput sammisarisamik ingerlatsinermit ingerlaavartumik aningaasartuutit matussusernissaannut tapiissutit, tamatumunnga ilanngullugit sulisorisanut, ininut allaffissornermullu aningaasartuutit.

§ 12. Aqutsumit eqqumiitsuliornermit suliassaqarfinnut ataasiakkaanut tunngatillugu tapeeriaatsit sorliit atorineqarsinnaanerannut najoqqutassanik sukumiinerusunik aalajangersaasinnaavoq. Najoqqutassat Kultureqarnermit Naalackersuisoqarfimmit akuerineqassapput, kinguneratigullu tamanut saqqummiunneqarlutik.

Kapitali 3

Tapiissuteqarnissami piumasagaatit

§ 13. Tapiissutit Naalackersuisut eqqumiitsuliornermik ingerlatsinermit tapiissuteqartarnerannut tunngavigineqartut Eqqumiitsuliornermik ingerlatsineq pillugu Inatsisartut Inatsisaanni aalajangersarneqartut tunngavigalugit tunniunneqartarput.

Imm. 2. Aqutsumit Eqqumiitsuliornermik ingerlatsineq pillugu Inatsisartut Inatsisaanni tunngavigineqartut ataqqillugit qinnuteqaatit pingaarnersiorneqarnissaannut najoqqutassanik sukumiinerusunik aalajangersaassaaq. Najoqqutassat Kultureqarnermit Naalackersuisoqarfimmit akuerineqassapput, kinguneratigullu tamanut saqqummiunneqarlutik.

§ 14. Makkununnga tapiissuteqartoqarsinnaanngilaq:

- 1) Sammisanut qinnuteqartup nalinginnaasumik missingersuutaasa iluanni akilerneqarsinnaasutut naatsorsuutigineqartunut.
- 2) Sammisanut qinnuteqarsinnaanermit piffissaliussap nalaani aallartinneqareersimasunut, matumani utertitsisoqarnissaa pineqarsimanngippat.
- 3) Nittartakkanik pilersitsinermit ingerlatsinernullu.
- 4) Ilinniarnernut pikkorissarnernullu.
- 5) Sakkunik, atortunik, nipilersuutunik, pequtunik qarasaasianik softwarenillu pisinermit, taamaattoq tak. imm. 2.
- 6) Saqqummersitseqqinnernut, atuakkat cd-llu ilanngullugit.

Imm. 2 Sakkunik atortunillu pisinermit tapiisoqarsinnaavoq, tamanna suliaqarnermit imaluunniit suliap suliarineqarneranut aalajangiisuulluni pingaaruteqarpat.

Kapitali 4

Qinnuteqariaaseq tapiissutillu tunniunnerisa tamanut saqqummiuttarnerat

§ 15. Tapiissutit pillugit qinnuteqaat qinnuteqarfissat ilaat aqutsisumit suliarineqartoq tunniunneqartorlu aqqutigalugu elektroniskinngorlugu tunniunneqassaaq.

§ 16. Tapiissutit pillugit qinnuteqaat suliaassap tapiiffigineqartussatut qinnutigineqartup nassuiarneranik, tapiissutillu qanoq ittut qinnutigineqarnersut pillugit nassuiarneranik imaqassaaq.

§ 17. Tapiissutinut ukiumut arlaleriarluni qinnuteqartoqarsinnaavoq.

Imm. 2. Qinnuteqarnissamut piffissaliussat aqutsisup aalajangersaaffigalugillu tamanut saqqummiutissavai.

§ 18. Aqutsisoq ukiumoortumik tapiissutit agguaanissaannut ukiumoortumik nassuiaasiussaaq tamanullu saqqummiussilluni, taakkulu ukununnga agguataarneqarput:

- 1) eqqumiitsuliornermut suliaasaqarfiit ataasiakkaat tapiissutillu eqqumiitsuliornermi suliaasaqarfiit akimorlugit ingerlanneqartut,
- 2) tapeeriaatsit ataasiakkaat,
- 3) tiguisussap najugaqarfia, kommunekkaarlugu naatsorsorlugu,
- 4) tiguisussap suaassusaa,
- 5) tiguisussap ukiui, ukiut akuttussusaaq naleqquttut naatsorsorlugit, aamma
- 6) ukiuni siuliini tiguisartut nutaat pisoqqallu.

Kapitali 5

Tapiissutit naatsorsuiffigineri, kukkunersiorneqarneri kiisalu atorunnaarsinneri utertitsissutiginissaallu

§ 19. Suliniutinut tapiissutinik tiguisartut suliniutip naammassinerata kingorna kingusinnerpaamik qaammatit pingasut qaangiunnerisigut tapiissutit atorneqarnerinut naatsorsuutinik atsiukkanik aqutsisumut nassiussissapput.

§ 20. Suliniutinut tapiissuteqarnermi tapiissutit 150.000 kr.-nit ataassimappagit

kukkunersiuinissamut piumasaqaateqanngilaq. Naatsorsuutit tapiissutinik tiguisup atsiorsimasai naammapput. Tapiissutinik tiguisup atsiormigut uppersassavaa, naatsorsuutit eqqortuusut, tapiissutinik tiguisoq aningaasaqarnermut tunngatillugu pisussaaffinnik mianerinnissimasoq aamma tapiissutit siunertamut atorneqarsimasut.

Imm. 2. Suliniutinut tapiissutit 150.000 kr.-nit ataallugit tapiissutinik tiguisoq tapiissuteqartumit ataatsimit arlalinnilluunniit tapiissutinik tigusaqarsimappat tapiissutinik tiguisoq tamanna pillugu uppersaatissanik aqutsisumut nassiussissaaq.

Imm. 3. Tapiissutinik ikinnerpaamik 150.000 kr.-ninik tiguisoqarsimappat naatsorsuutit kukkunersiuusumit naalagaaffimmit akuerineqartumit nalunaarsorneqartumilluunniit kukkunersiorneqarsimassapput.

§ 21. Ingerlatsinermut tapiissutinik tiguisut tapiissutit tunniunnerisa ukiup ataatsip qaangiunneratigut kingusinnerpaamik 1. juni ukiumoortumik naatsorsuutinik kukkunersiuusullu tapiliussaaniq aqutsisumut nassiussissapput.

Imm. 2. Ukiumut naatsorsuutit kukkunersiuusumit naalagaaffimmit akuerisaasumit imaluunniit kukkunersiuusutut nalunaarsukkamit kukkunersiorneqarsimassapput.

§ 22. Kukkunersiuineq kukkunersiuinermi ileqqut pitsaasut naapertorlugit suliarineqassaaq.

Imm. 2. Kukkunersiuinermi ilaatigut makku misissoqqinneqassapput:

- 1) Naatsorsuutit eqqortuunersut pingaarutilinnillu kukkuneqaratillu amigaateqannginersut.
- 2) Tapiissuteqarnermut piumasaqaataasut naammassineqarsimanersut.
- 3) Tapiissutit siunertarineqartumut atorneqarsimanersut.
- 4) Tapiissutinik tigusaqartoq aningaasaqarnermut tunngatillugu pisussaaffinnik mianerinnissimanersoq.
- 5) Paasissutissat tapiissutinik tiguisup suliniutigineqartoq suliarluunniit pillugit aqutsisumut nalunaarutigisimasai uppersarneqarsimanersut.

Imm. 3. Aqutsisoq naatsorsuutit misissuiffiginissaannik suliaqassaaq.

§ 23. Tapiissutit akuerineqartut imatut pisoqarsimappat tamakkiisumik ilaannakortumilluunniit uterteqquneqarsinnaapput:

- 1) Tapiiffigineqartup tapiiffigineqarnissamut piumasaqaataasut naammassisinnaajunnaarpagit.
- 2) Tapiiffigineqartup tapiissutit akuersissutigineqartunut piumasaqaataajunnartut naammassinngippagit.
- 3) Qinnuteqartoq eqqunngitsunik paasissutissiisimappat.
- 4) Tapiissutinik tiguisoq paasissutissanik pingaarutilinnik nassiussinissamik itigartitsisimappat, taakkunungalut naatsorsuutit ilaapput.

§ 24. Aqutsisoq qaqugukkulluunniit tapiissutinik tiguisoq suliasamut tapiiffigineqartumut

paasissutissanik pingaarutilinnik nassiusseqqullugu qinnuiginnissinnaavoq.

Kapitali 6

Atuutilersitsinermut ikaarsaarnermullu aalajangersakkat

§ 25. Nalunaarut ullormi 1. januari 2022 atuutilissaaq.

Namminersorlutik Oqartussat, ulloq 17. decemberi 2021

Peter Olsen

Ilinniartitaanermut, Kultureqarnermut, Timersornermut Ilageeqarnermullu Naalakkersuisoq

/ Karsten Peter Jensen